

湖  
海  
詩  
傳

湖海詩傳卷四十

青浦王昶德甫輯

徐鏐慶

原名嵩字朗齋崑山籍金匱人乾隆五十一年舉人湖北試用知縣加知州銜

卽事

把卷臥疎雨雨斷夢亦斷不知簾外風吹我卷帙亂濕雲互  
明滅庭柯夕陽半屋角一帶山晴翠落几案忽聽幽鳥嘯餘  
花捲書幔

九龍山晚歸

行行出翠微一徑入斜暉黃葉有時落白雲何處飛溪長虹  
暈斷稻熟蟹匡肥欲采芙蓉晚烟波隱釣磯

湖海詩傳卷四十

塞月聞歌

塞月照歸客影連青海流  
人間嘗對酒樓小不藏秋  
畫燭銀笳豔行雲鐵嶺愁  
誰家怨遙夜重唱古涼州

秋思

小扇綠窗紗重重綺樹遮  
新涼半牀月殘醉一簾花  
睡鴨噴香細驚鸞起草斜  
紅牆阻幽夢對面已天涯

花朝夜雨陪東閣讌集示雲峰

吳江官舍柳如煙餵鶴修琴費俸錢  
東閣懸簾一尊酒春鐙飄雨百花天  
醉來世事關心事人入中年憶少年  
他日定知追此會封題應寄薛濤牋

落葉

一夜微霜下碧林年華荏苒暗相侵  
幽衾酒醒重簾遠孤館

鐙昏細雨深身世飄零遷客路江關搖落故園心何須更製  
哀蟬曲祇恐天涯思不禁

余鵬年

原名鵬飛字伯扶懷寧人乾隆五十一年舉人有枳六  
齋詩稿

硤石

硤石何崢嶸鬱此積鐵色占艮外隆背習坎中限閼烈風入  
呼號短樹出巖崩懸車向遙空取道若引繯石隙苟齟齬下  
臨大壑黑未省造化功設此何偪仄終古阨行人百兩幾馬  
蹄解鞍卽平岡咄咄炎歊逼

漢銅鴈足鐙歌蘭泉先生席上作

鴈足鐙短續鳧長截鶴趾陸鬚鬚土花剝其技巧尙象其銘

妙用鑿有紙蟬翼輕磨煤試響拓工輔造佐者博嗇夫掾勒  
名各曰有省丞其爵中宮內者誰建昭三年作一一隸在槃  
蠅頭復蚊腳蜿蜒小篆當曆前紀元又到陽朔年曰賜陽平  
敬謹鐫後厨今至三故家昔第五無復蒲反首山之祝釐卻  
有青莎廳夜之歌舞戚晚尹邢降賓客田實數卯酒酌香螺  
甲煎燒雲母何以報君進樂府飛燕雙棲花月午花月午燕  
還飛飛啄王孫君那知此時爾鐙棄用昌黎短樂棄字不滴君前淚干  
枝帝火暉一夕漆燈閉爾從侯家翔人間不逐金蠶玉兔游  
墓田得遇歐陽子集古有補箋墨花日拂拭拔之銅與鉛爲  
是如讀倉頡凡將箭兔梳毫繭裝帖我有鸚鵡活眼硯在匣  
臨池乞爾撥鐙法

寶慈書屋觀文徵明山水橫看子因成長句呈蘭泉

先生

游絲一縷搖筆頭尺幅春影相迴旋春山澹漾水娟秀春樹  
濃抹邨鉤連山開樹斷見茅屋屋畔高下皆春田夜來已作  
一犁雨青葱寸寸生芳妍小童羣戲不驚雉老叟獨行還聽  
泉桃花李花雨明媚前川疑有春無邊卻嫌添著水楊柳一  
白早晚愁飛綿衡山作畫如作字總使鋒穎含飄翮豈廢烘  
染佐生韻自有朗潤捐塵緣嗟我擾擾墮泥滓雅負家山春  
可憐何當橫圖側身入乞公題句生雲烟

孫星衍

字淵如號季逵陽湖人乾隆五十二年 殿試第二人  
及第官山東糧道有雨粟樓詩集

蒲褐山房詩話畢秋帆撫軍在西安刊刻惠轍君易漢學九經古義補說明堂大  
道錄古文尚書攷諸書皆淵如爲之校定而秋帆孫山海經校正亦藉其蒐討之

力故其學豈以漢魏詰訓爲宗鉤探致遠探賸素與孫綬董悅所弗能逮作詩不多亦能自抒所見秋帆嘗以方正謝洪亮吉黃景仁王復徐書綬高文照楊倫揚芳燦顧敏恒陳變及淵如詩合選之爲吳會英才集不足十人之數乃取淵如配王采薇詩以足之寓才難之意會所予爲序然古人無此例不能應其求也

宿元符宮

林宮鎮山坳高下飛軒櫺征鞍上盤盤日暝客始停遵途百  
勞忘尋異千念盈徑微已三折屋暗仍重局獨上怯曳衣孤  
行危建瓴道士然炬來開門道前行靜覺鼠齧松微同鳥梳  
翎林空虎氣逼草滑蛇涎腥山頭白濛濛寒氣生夜明猶被  
露華涼遠聽風笛橫悄然步初還遊侶見自驚幽房感仙蹤  
客夢冷易醒

入蓬壺洞

一途走山腰一徑入地腹華陽洞名已參阻玉柱洞名復洞泐茲  
遊稍通人所歷亦娛目奇鋒訝孤豎密理看斜矗冬溫蒸厚

地潤響滴虛谷初驚石粼粼始見沙漉漉捫蹤走妖怪穴竅  
散蝙蝠垂乳甘可餐流膏滑難觸心疑轉仙徑曠蕩見平陸  
居氓雜羲皇邨舍散花竹道人見纔訝謂此足蛇虺微微濕  
氣腥慘慘毒霧蓄朋行勇蹴踏我興恥瑟縮惜哉萬丈窟不  
乞一寸燭山靈厭披覽居客怪劉劉莫附杞人憂甘貽謝公  
辱

鬱岡

尋幽轉巖隈攜杖行數里離崖樹厯厯盡地石齒齒羣峰已  
低環茲岡復孤起山棲寡俗駕客至道人喜開門響叢竹繫  
馬落松子檐澀挂薜蘿堦荒合榛杞蕉心冷逾碧茗味苦還  
美星燈禮金仙雷火合石理遐搜已折屐促坐況陳簋念沉  
鐘聲前影閉草花裏耽奇悵將去臥靜想無始遵路何茫茫



霜林亂紅委

梁天監井牀殘字詩

出門一鋪隨一丁錯認乘醉埋劉伶井牀古字待我發城根  
徒步來竚竚誅鉏草土辨摹刻如讀怪牒搜仙經文云天監  
丙申歲作亭與井因書銘蕭梁天子初佞佛冀以方便延千  
齡是年淮堰起復壞飢鴻四野哀飄零豈知皇帝愍渴乏欲  
借一勺詒生靈周田八家共一井漢制十里置一亭濟人興  
廢有司事何用天語煩丁寧黃河之潤泰山雨澤及天下由  
朝廷楊枝甘露詎足恃金仙入夢呼不醒異時臨渴更誰愍  
荷荷口苦無人聽悲歌弔古亦多事但愛照影波清冷千年  
萬口汲不竭知有地脉通滄溟摩挲苔蘚剔圭角急印墨本  
懸中庭此文埋沒分終古日近汲綆堆長瓶其前牧馬肆蹴

踏行客縱至誰畱停歎然遇我自天幸若獲知己雙眸青王

郎朱子好風調

子見是非文以王蔭可高  
是葛府君碑以朱筠治言

告我如試終軍懸歸途把臂

又欲醉便恐一別如晨星

揚州集方立堂齋中同汪劍潭金晚芳諸君作

黃菊清尊夜漏微貧交相聚尙依稀何能奉倩生猶樂只認  
秦嘉客未歸紅燭照顏年少去碧山回首昔游非多因添作  
他時恨小雨泥深夢欸扉

試香

辟寒簾底漸氤氲石葉拈來取次焚銀燭暗隨灰一寸繡衾  
虛借暖三分離愁似此都成縷幽夢從誰欲化雲曾爲如蘭  
人坐對錦裯幾日罷重薰

月影次韻

隔廉當戶最含情半掩燈明半鏡明一度落如人小別暫時  
圓比夢難成霜來玉宇寒無迹風過金波靜有聲惆悵尊前  
邀不得關山如此又孤行

楊夢符

字西躔號與岑山陰人乾隆五十二年進士官刑部員  
外郎

題戴嵩畫鬥牛

羊性狠狗性險見南史惟牛其馴氣頗歛畫工若恐牛不武畫  
作鬥牛觀者堵牛不好鬥胡不平兩童驅之牛怒生既不使  
竭爾力耕爾田麾爾以肱橫加鞭復不及陳家青王家烏輕  
車快足誇當塗兩者一傷咸爾牧西鄰禴祭茲其福烏乎人  
生萬事如牛毛毋以餘勇誇爾曹今學耕者皆操刀

九日

風雨成佳節秋林萬木哀有家頻作客非病倦登臺夢入秦  
雲迴心隨朔鴈迴何時伴松竹三徑共銜杯

重至東昌書院

閱世成華髮惟餘作客工懷人花影後得句鳥聲中湖海半  
知己雲蘿隔幾重庭前有枯樹便是主人翁

殘荷

盪舟曾記擊新波零落秋波易感霜初日依然臨畫檻驚鷗  
何事到銀塘早知解語心原苦但有餘芬夢亦涼太華峯頭  
明月在如船藕欲爲誰長

何道生

字立之號蘭士靈石人乾隆五十二年進士官九江知

府有方雪齋集

蒲楊山房詩話子履在京師與蘭士比鄰而居尊人編修君思鈞朝夕過從故自  
小識之乾隆己酉子由江西入京始見其詩風骨清蒼如千金戰馬騰溪澗無  
所不宏山西南澤州相國以來若蓮洋居士清妙則有餘排舉則不及也十年來  
與注詩講武善張檢討問陶楊農曹芳藥諸君互相唱和而才鋒之峻則皆歛手  
避之臨侍御出守九江旋以病歸重慶  
彭蠡山水名區惜未得盡供其刻畫

寄沈帶湖

叔旻

同年時寓杭州

修士恒厭俗介士恒苦貧北風振林薄念我同袍人之子抱  
高節遐蹈江之濱上堂奉甘旨顏歡心苦辛棄祿而就養曷  
以供吾親仍歌乞食篇翩然辭鄉鄰書來語重疊情話款款  
陳自言力經史著述希先民勗我意良厚爲學戒因循嗟我  
簿書吏署諾惟算緡十指拙懸樵百骸役勞薪豈不念淨業  
垢膩叢心身豈不念千古奔走窮冬春松柏植深谷勢與荆  
棘均抱奇豈散洩衆中祇遠巡望君不可即短詠聊自申

## 青石梁

萬古此頑石橫亘青鴻濛誰能役五丁鑿取風雲通千萬億  
石骨蜿蜒爲臥龍龍尾竟垂地龍頭稍昂空龍脊聳百仞突  
兀撐蒼穹古苔厚盈尺一一鱗甲封輪蹄所來往滑碧摩青  
銅馬力鬥石勢步步彎強弓攀躋倏到頂萬里來長風欲下  
勢轉陡羈勒無全功魚貫疊踐蹟尺地攢萬蹤一落到平地  
快若鶴出籠塞外足奇觀吁此尤魁雄過嶺投旅店落日土  
壁紅猶覺所歷境磊塊填心胸

## 廣仁嶺

昨過青石梁今登廣仁嶺坡陀夾峭壁倏若墮智井巨石積  
鐵色陰厓襲虛冷萬車爭一隙如喉苦魚鯁欲上不得上顛  
危濟俄頃陰盡忽開曠蓄極得馳騁疎林八九株微風弄清

影前望縱遐矚後顧抱虛警想當開鑿時萬夫力齊併磊塊  
塞大地千椎破其整雷礪擺天垠電劃坼頑礦

青石梁觀瀑

石壁插天起何處來飛泉噴薄下百仞瀝爲蛟龍淵水勢欲  
攫石石避水怒濺氣力兩相搏終古無周旋練影倏分裂珠  
顆跳輕圓殷雷吼晝壑急雨飛晴煙匡廬我未到見此喜欲  
顛駐馬久仰視一洗塵慮蠲銀河倘可溯乘槎擬涸沿

法時帆招集詩龕用東坡焦山韻

伊誰大廈雄耽耽清歌妙舞傾東南伊誰解作文字飲竹籬  
花徑開三三長安宦海一俗耳大都東縛如眠蠶梧門先生  
今作者儼古賢達真無慙詩如春雲淡高嶺心如秋月澄寒  
潭書齋四壁亦何有千詩墨瀦淋漓酣時當三伏正苦熱招

我竟日爲清談我來最早客踵至車聲轆轤趨詩龕花木位  
置秀而野壺尊羅列芳且甘二難四美一朝并造物應怪吾  
徒貪詩人畫手各快意畫吾不解詩猶堪興酣日落不知暮  
吾欲借此爲行菴

重九後一日張瘦銅

填

招集記珠軒約同王葑亭侍

御友亮

胡雲蕉同年次日載酒長椿寺看菊雨阻不

果瘦銅用東坡九日黃樓韻作詩見示次韻

長安城中秋色老詩人賞秋高興發招朋共作小重陽

歲時記  
重九後

一日再會  
爲小重陽

珍珠紅滴金盃滑公性直須酒漉巾我才短如綫折

鞞雙螯輪囷許共持大白淋漓試一呷戶小幾困吏部舊醉  
極擬荷參軍鋪忽思黃菊正敷腴不比白草畏肅殺提壺更  
謀一日飲命駕須訪城西剎天宮何事妬勝遊雨師作意相



磨軋淺巷獨漉深泥埋日腳黯淡雲頭壓良辰過眼祇轉瞬  
欲補如齒已成齧隨公願效雲與龍比鄰莫惱鵝其鴨瘦銅寓齊同巷  
而他年卜築仿東籬溪山何地非茗雪

壺盧學士歌同雪蕉作

觀音寺街酒家作一標子冠巾頭面如學士狀自頃以下壺盧也瘦銅先生以爲大

自作壺盧學士歌  
雪蕉因邀余同作

謫仙騎鯨歸仙都手摘酒星天一隅忽覺肉身太癡重蓬壺  
乞得壺公壺以壺作身輕而腴壺口拂拂飄長須上帝怒之  
降玉符曰汝故態猶狂奴飄然復謫長安衢長安酒家特狡  
猶范以水土塗以朱紉腰大腹堪絕倒旁蹲二鬼如抑掄吁  
嗟白也其何辜既非五石之瓠大無當亦非依樣而畫觚不  
觚酒觴輪困去芑角繫而不食胡爲乎吾欲衣之以雲霞佩  
之以瓊琚送之以清風導之以靈輿青龍素鶴前後驅逍然

而上達帝居天漿一吸千秋餘恒與北斗相盈虛不然以身  
濟斯世中流賴爾爲舟桴嗚呼中流賴爾爲舟桴爾其善保  
千金軀

道上望大防諸山

橫雲截山山入天雲行山亦行蜿蜒山青雲白兩嫵媚此中  
定有飛空仙我無垂天之翼躡雲展何由一舉登其巔平生  
未識山面目茲行所遇俱清妍應接常虞有不暇左顧右盼  
勞周旋十年塵土一朝洗愛之如有前生緣羈途登頓何足  
計佳處翻願馬不前行行邨落出林際青帘招我投炊煙

崇效寺

舊名東花寺

我尋棗花寺不見棗花開一徑亂蟬響數聲清磬來碑殘藤  
絡字地古石生苔坐對蓮池淨翛然絕點埃

秋夕

孤寺鐘聲歇蒼然碧宇空峯高遲得月樹老易知風客思干  
山外秋聲一院中此時還獨醉倚枕向疎櫳

晚景

幽居無一事飯罷看斜暉嶺月忽已上山僧猶未歸烟深溪  
路迴天遠寺鐘微古佛靜無語相看坐石磯

龍泉寺

初地何年搆柴門徑欲蕪樹同山太古僧共佛清麗靈穴深  
龍子名花艷鼠始此中無一事且自禮文殊

雨望

蒼莽盧龍塞奔騰拒馬湖雲憑山勢厚風挾樹聲多原野神  
靈會江湖氣象俄炎歆欣一洗遠近聽田歌

讀梅村詩集

白衣宣至爲浮名便署頭銜誤一生洛下風騷徐騎省江南  
哀怨庾蘭成歌殘金粉繁華地寫出琵琶慷慨聲應是婁東  
壇坵在不教元美擅前明

楊六士比部

夢符

移居巷南詩以賀之

失喜西南竟得朋綠楊春擬兩家分卜鄰久幸邀王翰  
問字今欣近子雲室有異書容借我詩無凡語最憐君從茲  
下直頻來往緩步當車趁夕曛

試燈夕招同年謝

恭銘

汪彥博

小飲

宦况蕭條感歲華上燈時節正天涯尊前鄭重同年話雪後  
精神昨夜花牕有酒狂容我輩不知詩思落誰家鼇山火樹  
尋常事卻笑兒童一倍譁

觀音菴飢舍

石徑苔階草不除，翛然此處得吾廬。  
牆堆磊砢山三面，門對潺湲水一渠。  
居士清齋數聲磬，幽人行李半肩書。  
跣趺便是維摩詰，何必隨僧叩木魚。

閒倚

閒倚山僧白版扉，沉沉西嶺下斜暉。  
溪頭煙暝客爭渡，樹杪月明鴉亂飛。  
百八聲鐘空籟寂，兩三點翠遠峯微。  
誰家燈火搖籬落，照見牛羊得得歸。

暮春雨雪交作遣興

晝長風物鎮淒淒，漠漠重陰四面低。  
柳覺絲寒愁脫絮，燕防衣濕懶銜泥。  
情懷惡似酒初中天色，常如日欲西上已清明。  
都過卻小園桃李未成蹊。

薄醉心情聽喚鳩輕寒未許下簾鉤花光膩似人初浴我意  
懶於雲不流天地無情飛野馬江湖水憶泛扁舟玉壺買得  
春常在且可尊前自勸酬

汪彥博

字厚夫號文軒鎮洋人學金子乾隆五十二年進士官  
刑部員外郎有養泉齋詩鈔

和陸魯望茶具

離離一寸尖戔戔數叢短柔如竹脫綳脆若蘆抽管穿林美  
樾清得氣陽崖暖南山昨夜雷已報頭番滿

茶筴

東崦兩三畦西崦數間屋似閑還似忙盡日在澗曲語兼藥  
草香隱借杉蘿宿戶戶祀茶神先喜細雨足

茶舍

鑿石起新煙團泥趁朝旭山童隔竹呼臼磨搬運熟樵爨餘

松柴野庖雜杞菊拾得火前芽一杯春露足

茶龍

煎烹廉銅腥膨脗訝石醜呼起老彌明安排佇吟友傍似錯折足上爲瓶守口竹爐聽風歟任我持當酒

茶鼎

定州小花藝佳樣出雕飾蟹眼翻雲腴兔褐濺霜色靜攜都

籃具好闢晴窓側睡足日高時此意君未識

茶甌

花乳夜飛泉松聲午鳴雪雞蘇與胡麻論品抑已未但得雨  
腋清坐使萬想滅誰扣玉川門春風送瑤札

煮茶

將至荻岡舟中和存塘舅祖韻

晚程喜說近何山未落帆時夕照殷一路樵風潮上下千家  
漁火市迴環犬知迎客花源熟鶴解看丹藥竈閑三宿何妨  
寄桑下再來亦欲扣雲關

舅祖已三至荻岡余亦兩度矣

梁履繩

字處素號夬庵錢塘人敦書子乾隆五十三年舉人

安化道中

貪程隨落日樹影漸依稀  
人語空山應泉鳴古洞微  
怪松連石長歸鳥襟雲飛  
何處尋茅店遙烟出板扉

西湖冶春詞

不攜游伴笑疎頑  
畫舸停橈何處灣  
怪底今朝容易醉  
春風吹綠酒中山

新晴芳草輭於茵  
油壁香車動暗塵  
十里東風簾不閉  
看花兼爲看游人

朱文治

字詩南餘姚人乾隆五十三年舉人

潤州旅次



何處獨招涼江樓倚夕陽一聲秋在樹千里客思鄉小病詩  
猶健多愁酒自香西風莫吹急新鴈未成行

南沙河題壁

北沙河畔柳凋零路轉南沙幾樹青最是歸心撩亂處琵琶  
一曲泥人聽

楚楚衣裳照眼新到門留得十分春東風不種雙紅豆一夜  
燈花笑美人

王芭孫

字念豐號惕甫長洲人乾隆五十三年 各試舉人候

補國子監博士有淵雅堂詩稿

詩初山房詩話揚南詩癡然以瘦癯然以清亦微密以栗盡上溯杜韓而實出入  
於郊島間十餘年來老成凋謝揚南在京師與法時帆式善何陋士道生張船山  
門陶揚蓉裝芳堅諸君琴歌酒賦故爲南北時望所推又工書仿劉石菴國其  
體而微醺曹白秀亦以翰墨關係予門人曹指揮銳之女殆管仲姬文端容流亞

也

冬夜爲法時帆學士

式善

點定所著存素堂集奉東

朔風竟終日積雪快始晴夜讀梧門詩見跋燭換檠精想出生瘦別構勞經營如游松檜林孤鶴時一鳴霜鍾和松吹流作空際聲此聲從何來官自性地生求詩莫於詩稱性開與閔公當觀其大鯨駕滄海橫公當觀其變虎帥戶牖驚想思歲云久一見肝膈傾爲公致商榷公亦披中誠刪存事粗了街櫟打四更不勝徂年悲迫此歲暮情賈島倘祭詩薦以寒泉清

李介夫編修

如筠

見示所著蛾術齋集並承惠詩次

韻奉荅一首

人生但飲食何異蟲有蟲好文不好學吾儕病亦痼此心如

穀種直養要糞護當其勃然興自覺撥爾怒風霜剝浮僞雲  
夢恣吞吐俗疲氣節銷儒懦趨嚮誤君子甘瓦全小人幸塗  
附工將揣摩心輒作媵姍具得時相鬻賣失意互嫉妬薦寵  
忽驕矜困窮多遜懼道衰文不章無所載之故吁嗟往聖徂  
志士入夢寐可憐韓歐生不抵衛霍遇不遇良可悲而竟誓  
不顧詞句今流傳警欬儼接晤譬諸雷出地晦霽不能錮士  
欲爲文章職先崇志趣鄙人蛙蹷泥妄思追虎步鄭重尊昔  
聞孤危閤時務金盡一瓊存鐵錯九州鑄汗潢學爲海羣流  
勢不赴行年三十九蹉跎容色暮讀君一卷詩見志妙託賦  
譬拔如有神橫驚皆式度繩山露厓窵摩霄豁茅霧屈指天  
下才嶽瀆自有數傳觀顏高弓著手竊驚怖誤蒙就商權問  
盲疑管輅騁騶萬里心覬諸氣深固能從性靈求猶傾河漢

注堂堂古賢遠將子共登路

何蘭士工部

道生

枉詩見贈出示所著方雪齋集奉

酬四首

文章一微塵萬古悲淚海詩緣發憤作易有憂患在神聰轉  
和平胷中非硯礪士以文較心於中寓真宰見心不見字字  
字獻神采古今且暮耳絲渺若相待

自非讀書多何以實其腹妙處不關書無書苦磽确典墳巧  
津潤糞養出嘉穀心苗時怒生百怪困役服鴻通破拘攣精  
神見雄獨獨者衆所歸九流貫一轂

言中苟無物憫氣非堅蒼絃外苟無音虛響寧久長詩爲六  
藝一騷雅相翱翔巍巍千載客炯炯十目張務將觀其裏底  
蘊森可量小心事古人何規工弗良

君詩不著紙清雄更超逸不謂太行西落此一枝筆贈言極  
綢繆獎與過其實倒篋出嘉篇相要作評騭敢不誦所聞臚  
陳學師乙我好攻君瑕君宜指我失

送洪稚存

亮吉

出督黔學兼寄石琢堂

韞玉

楚中

一代作家無數公天下健者方推洪平生讀書萬萬卷怪眼  
嵌月星羅胸三軍背水旗幟赤九牧鑄金鑪韞紅漢唐宋間  
無不有百川灌河一洗空文心如龍氣如虎牙鬚角甲光熊  
熊開寶精神建安骨創格自起今乾隆廿年流宕不得意一  
朝唱第蓬萊宮受恩不次非故事遂畀督學黔西東黔風  
僑堡士疎樸江山入手偏倚樵君肯好游如好學題名歷紀  
整騰蹤往來岱華看不足高歌嵩嶽天當中以譚天口注釋  
地三國補志盪橫縱篋中方草九域志此行履勘證異同果

然萬卷走萬里成就此學皆遭逢皇天生才不擇地炎荒分  
野連祝融火房南離文所會士有莫測惟靈鐘牂牁轟厯盛  
惡浪玉屏秀靈霧雨寧安知萬古闕不發非待子手開鴻濛  
子往誨之勿菲薄袖攜春雷醒頑冬暇時課士若課兒士亦  
視之如家翁花苗銅鼓峒苗簪觀子始觀鼓鼓鏞餘事驚人  
謝家句筆情飛上飛雲峰須防佳倡熟傳誦弓衣繡入蠻女  
實書生快事那有此一詩一朵青芙蓉所愁按部寡酬和懷  
人北望嗟飛鴻忽聞郵騎羣有喜曼卿醉墨米皮同因君卻  
念郢中雪衡湘九疑道所從故人同時把旄去我此瓠落將  
安窮雖然公等參錯在豈憂餓死埋蒿蓬二君努力慎自愛  
去去與國充璜琮文章報主諒不易我后遇爾  
亦已豐半生辛苦艱一飯無忘在莒搗謙冲瘴鄉加餐篤行

李勿以吾故傷離  
惊吾儕窮達蓋有命萬古一息悲迴風作  
詩送君兼寄石不覺腕底奔流虹

家秋塍大令

復

以嘉慶元年九月與黃小松

易

武虛

谷

億

爲嵩少伊闕之遊尋碑選勝作圖紀事其年十

二月求孫淵如

星衍

篆題其首明年五月以書抵余

華亭官所求詩

生平濟勝苦無具僵臥甕牖如蠶眠九峯三泖衣帶物坐隔  
霧雨如天邊忽漫打門有題寄龍門伊闕來吾前吾家令尹  
老登牖部下山水雄且妍脚躡手板了不困能致二客寧非  
賢高崖長谷勢開闔瓊花瑤草光新鮮昆都侖水黃界地古  
陸渾火紅燒天奇懷正逐秋興發秣馬逕往聯鞍羈仙局森  
沉蓄靈閣從廉包裹攜椎墮瓦棺篆鼎遍搜索斷鉤蝕畫爭

墓填攸緒早存邱壑志

虛谷

曾直慣注蟲魚篇

小松

洛下迦藍補

前記嵩陽石刻增餘編  
忝來以圖要著句不遠千里馳封箋  
我無薄領自感縮君宰繁劇翻清便  
何須較量問才地只論  
胸次區霄淵側聞秦蜀頗有事羽書旁午從三川  
楚氛沿江飛礮石豫州錯壤橫戈鋌雖經勦殺鳥獸散  
尙爾團結蜂蟻  
纏嗟予季爲國殤哭歸魂血面瓜透拳三塗太室古  
阨塞公等那得心飄然詩成火急遣來使引領北望空雲烟

### 馬蘭口

天劃中原盡山隨絕界分  
壯心懸落日邊氣結孤雲  
此地連三輔前朝頓萬軍  
車書今一統守將總能文

### 登平山頂

平山望不極山背畫陰陽  
斷磳穿雲黑長城界樹黃  
地懸惟



鳥道天盡卽龍荒一眺無中外空烟點點蒼

鮎魚關

山壓孤城斷關臨大漠開列屏高礙日陰壑自生雷古隘魚  
靈守秋空虎氣來繼光曾轉戰鎖鑰想邊才

題述庵先生柳波雲舫圖

寫將螺墨當驪歌更有珠璣壓載多舫底新潮三四尺玉橫  
流澗作春波

潞河南下接星津垂柳陰陰已過春一路自開橫卷看今朝  
果作畫中人

公還我亦到華亭一舍煙波隔幾汀正好瀉波駕輕舫相從

柳上注漁經

余以前辰買一舟將妻子就官南下由卑桂  
水各腹分書三字贈行曰瀉波舫懸之舟中

人生容易說歸田况是歸來五六年

聖壽九旬公八十

又乘雲舫到天邊

邵彥成

字韶九號繹堂章佳氏文成公孫滿洲正白旗人乾隆五十四年進士今官禮部尙書

蠡濤識子時予猶總角別幾三十年相見於鷺城樽酒相對因出其稿細讀予將北還因和始興舟行十

六韻

自笑同飄泊何曾定止行三秋月氏國萬里尉佗城瀕海連鋒燹蚩氓震鼓鉦一朝絲棼亂百事棘縱橫微線才難續朋簪屣倒迎經綸藉老手謠頌聽新聲政以艱辛最身因寵遇輕姓名經特敕黔庶喜更生歡我常羈旅輸君難弟兄漫辭燕市酒徒飯惠州稅白眼逢今雨青燈感舊情木心原

似朗水鑑許同明民乍安茅屋兵方散柳營莫愁神况瘁要  
使海澄泓衡量通權濟邊隅付老成語餘杯未盡檐月促鐘  
鳴

昭君曲

秋草黃雲冷夕曛那堪回首漢宮春龍城飛將今猶在卻使  
娥眉靖塞塵

胭脂零落倍銷魂急雪嚴霜泣暗吞敢向琵琶傳怨語祇今  
青塚亦君恩

阮元

字伯元號芸臺儀徵人乾隆五十四年進士今官浙江

巡撫

蒲陽山房詩話哲人謂荀爽爲中興方伯未有若此年少者又謂祖暅爲中書令其位可及其年不可及今芸臺中丞以已酉登第不及十年齋學三齋兩浙遂躋

開府益早受生知近來所罕詩賦而外精窮經說校讐攷訂一本爾雅說文  
愛才好士凡挾一藝之長者皆舐蘭歸之相與搜採篇章鉤稽典故輯淮海英靈  
集兩浙輶軒綜及經籍纂略諸書又嗜鑄術撰贖人傳集推步之繩法以盡句股  
割圓之妙尤近日名儒所未有年華甚盛嚮用方殷擴之以開物成務之功進  
之以正心誠意之學  
洵卓然一代偉人也

### 約同里諸子爲經籍纂詁

六經麗中天大義轉相注周文監夏殷先聖導其路謚法及  
序卦始有解與詁葦籥發笙簧椎輪創大輅木鐸奮萬世爾  
雅衍其祚秦燬如螢燐簡編自完具書傳孔伏學詩分齊魯  
故西京迄東京師儒以百數揚許勒專書鄭高博箋註方言  
旁可通古語遠能派典午斯風微隋唐漸虛鴛宋代聞性天  
雅訓飽蟬蠹國家右文德復旦鳴發照學士立如林人具  
九經庫文字識考老音釋起沈疇千聖百王言精辨匪皮傳  
惟以古訓辭萬卷各分寓散者未克貫渙者鮮能聚弱冠讀

遺經於茲畧通悟丁未遊燕京儒生接席遇慨然念茲業衆

力乃齊赴

余於丁未晤大興朱錫庚陽湖孫星衍桐城馬宗霍乃共約斯舉

欲移博士文雄具輜軒素分

韻借劉臻集字鄙丁度平地一簣慙棄井九初懼拜手吾鄉

賢共爲將伯助決擇遍義訓披覽窮章何始焉括經史終亦

及子賦

易詩二經及諸子

小學數萬言疇以是爲務

說文廣雅五經

搖搖

動心旌千里馳遐慕苟能藏成事功若禹鼎鑄

白禹登山白雲峯東三里至佛峪

茲山何岩巉神禹之所登東行入虛谷泉石媚清激側徑臨

深谿馬足猶兢兢午嶂屯春陽陰崖積素氷石無土附樹壁

有隙走藤雲護岩上佛泉養厨中僧何當看秋瀑瀉落山三

層大者懸如紳小者垂如繩靈臺出其上衆勢歸焉凌而我

亦遐舉振翮隨花鷹

白雲峯西北至錦屏岩憩壽聖院

靈湫住天龍談禪闢初地但見元豐碑破屋已古意繞階漱  
清冷壓簷積蒼翠泉急石丸轉雲過松花墜前峯升重巖高  
鳥歸其翅誰爲造孤墦中使金仙睡後峯獨離立與嶺擘成  
二誰爲架飛梁鑄以摩崖字古人具精力恥作尋常事否則  
寧如僧碌碌老荒寺

聖壽院西南石壁上有龍洞出入里許

神龍抉壁入破壁復飛去龍去壁已穿介然用成路當門立  
大佛乍見心疑怖石立面如削曾向夢中遇過此入深隧秉  
燭始暗度俯行頂接踵相呼不相顧一隙忽生明如夜忽嚮  
曙不知出何山奇險更難步手中得葛蘿足下生松樹蜿蜒  
攫爪痕是我題名處

曉過四十九盤嶺至能仁寺

曉程將何之四十九盤嶺高盤愈仄曲折緣修縷肩輿未  
及上相顧色已驚凌緬惑回機心怯息尤屏平生磊落懷到  
此不敢騁旣登丹嶂高坐見海天水白雲湧潮聲初陽生樹  
影越嶺山西谷倏忽闢靈境奇變出恒情震蕩不自省行行  
至招提幽巖泛虛靜中慄旣已平嵐重衣裳冷

馬鞍山

林薄無疎景川谷莽回互崖轉得新蹊境深忘舊路延緣入  
東谷修嶺詎可度盤磴引高情飛泉入危步沈雲散靈風萬  
石盡豁露停策聊憩息于焉蔭嘉樹宿心旣申寫景物相招  
過徘徊下層巒嶺脊難久住

登靈峯望五老靈芝諸峯

雲外日已頽游者殊未倦複谷窅以深羣峰闐然見參差各  
離立戍削盡成片翼岫忽中空直劈裂如綫凌厲出林表蟠  
逕將升獻三休始及上九折石猶旋當門飛冷泉入腹抗高  
殿奇觀意已驚靈迹情彌戀靈芝若可採吾將問佺羨

登州聽海濤聲

海雨濕土春初晴癡雲白北趨南行風來渤海暮轉急吹落  
萬派驚濤聲初疑驅車來遠道輪雷欲動遲而輕後如閉閣  
伏虛枕檐前凍雨千條傾或是汝南馬旋磨不則試院茶煎  
鎗相視不語共欹耳出戶仰首巡南榮天空荒靜日將落頗  
有鹵氣來山城城頭雉列屋鱗次其中直作波浪鳴丹崖田  
成近三里長流迴汎閭縱橫日行北陸海底暖潛陽蒸起蛟  
龍鯨謹聲騰沸島嶼振夕汐淘汰沙石清洋洋一洗耳底淨



心體虛豁無凡情人生不俗卽仙骨豈有大藥真長生更待  
夏仲望岱嶽遠收青色歸雙睛奇情至此歎觀止或令鯨鱗  
開聰明

題錢可廬蕉牕注雅圖

錢君磊落古丈夫治經亦復兼蟲魚解字九千分部居字字  
剖出光明珠更肆精力及其餘雅讓廣雅釋且疏唐宋以後  
此學粗有如蹊逕生榛蕪吳氏棗板猶模糊坐令文字多齟  
齬錢君一一爲爬梳旁達衆說通經郭此學吾見王石臞與  
君同歸而殊途蕉牕在屋西北隅是卽錢君之可廬臨風把  
卷吾愛吾颺然一笑何軒渠周君吮筆爲此圖綠天曾與錢  
君俱玲石一卷蕉三株中有須鬢蒼且腴蕉之爲物雅所無  
惟讓所學在漢書列傳嘗解馬相如埤蒼傳至曹江都遜學

欲問曹公徒

李善乃曹  
慈弟子

試注子虛之巴苴

芭蕉始見  
子虛賦

### 邀同人游皋亭山看桃花

皋亭山下多春風，千樹萬樹桃花紅。  
江城愁雨二十日，放晴小舸來花中。  
三篙新漲紅到底，一片絳雲飛不起。  
仙子霞裳住赤城，麗人靚服臨春水。  
蘭桡搖搖行復回，橫塘香霧轉輕雷。  
薄寒小雨燕支濕，留住濃酣緩緩開。  
兩年我爲行春去，每到花時不相遇。  
崔護重來似去年，劉郎又到成前度。  
詩裏情懷畫裏身，坐中慘綠盡詞人。  
若非才子樽前筆，辜負臨平二月春。

### 謁會稽大禹陵

會稽巨鎮東南確，宛委巒嶂摩青空。  
文命之陵據呂墨，朝衣九拜揚春風。  
典謨有字遷有紀，豈假弱筆陳豐功。  
惟思禹德

在于儉無間再歎世折衷山川主名遍天下此山不載禹貢  
中揚州域廣漸海表刊定未紀夷與戎東教躬勞遂道死參  
耕壟敵封葛桐陵者葬陵澤葬澤蒼梧之野將毋同豈如後  
人詭且侈沙邱還至咸陽宮道元誕妄太白陋亂引汲竹疑  
重瞳夏家天下子亦聖曷爲薄葬于越東試以吾言問二子  
無稽之說將立窮我拜既畢題空石白雲滿穴春陽紅帝之  
瑞應氣郁郁神所出入光熊熊重黎受命地天絕惟有陵鎮  
猶相通

游古永嘉石門觀瀑布用歐蘇禁體

永嘉謝守弄奇譎

永嘉石門詩在江西以  
青田當之自太白始

手擘石門山壁裂侵晨直

上青雲梯一派寒泉迸龍穴崖頭百丈直如削逼冷泉飛出  
其缺當其欲落未落時衝擊紛披忽三折坐教破碎飄輕清

不使渾淪成注泄偶經徧雨更爭來少得迴風便旁掣橫拖  
雲氣派將亂影漏初陽眼尤瞥沾衣濕意詫沈陰撲面清光  
仰霏屑澄潭半頃綠最淨石柱千年洗真潔老僧新焙春中  
茶燒松煮水快一啜櫻桃蔗漿漫相勝誰復此時猶內熱暑  
天風日涼不到寒想冰絲半空結安得誅茆四時住坐對天  
紳自怡悅出山一步一迴顧隔斷青林始忍別試看鴈蕩大  
龍湫與此相衡孰奇絕

大龍湫歌用禁體

山迴路斷谿谷窮靈湫陰闕龍所宮眼前無石不卓立天上  
有水皆飛空飛空直落一千尺鬼神不在疎鑿功絕壁古色  
剗爾破山腹元氣冲然通涓涓靜注絕不動羲輪下照神和  
融有時飛舞漸作態已知圓嶂生微風一甌春茗啜已盡水

花猶復搖玲瓏颯然乘颺更揮霍隨意所向無西東不向尋  
常落處落或五十步百步皆濛濛豈料仙境在人事誰作妙  
戲惟天公雲煙雨雪銀河虹玉塵冰縠珠簾籠世間變幻那  
足比若涉擬議皆非工石門飛瀑已奇絕到此始歎無能同  
惟有天柱矗立龍湫中突兀萬古爭雌雄

晉磚詩和謝蘇潭方伯

蓬巒軒外三春天物色廢甕得八甌八甌日影古所傳先生  
本是瀛洲僊永平永興皆漢年以楮定之屬晉焉三楊改號

國本賴東南民物猶殷闡

永平元乃楊支  
長專政時所改

太康皇子相比肩宴封

吳郡藩應遷或者就國避內權閱歷唐宋畱殘塹

武帝太康未立  
皇子慕馬吳王

晉吳郡屬今錢塘若箇  
年號或為蕭府中物

不則吳郡族望賢范氏褚氏居相連

永平永  
興時吳

郡范平三子廣咸泉並以儒學至大官褚  
尚亦至中尉此或為諸族弟中物

所喜八甌數符前字不辭暴餘

精堅抉剔土繡敲苔錢空齋拓拓鳴槌璫琢以爲硯開池田

紛綸經史裁鴻篇浙水晉石無一拳古甌屢見東海堧

浙江碑石絕無

晉刻而甌獨多如蜀師徐奉載氏元康太康建元皆藏海鹽張芑堂家永和藏海鹽誰園家咸和藏秀水劉澤堂錢氏

吾藏咸和甌字全

永嘉續得相磨研

元藏咸和永嘉二甌

先生延客開詩筵門此何異壁與

瑱摩挲共詠花陰邊軒階古甃斜陽躔

### 華頂茅蓬

華頂茅蓬底枯僧忘世情披雲采春茗剽雪得黃精虎蹟穿

林見龍腥帶雨生此中五百輩疑有應真名

茅蓬最小皆苦行僧棲止處幽岩窮谷計一百

五十餘所

### 月夜過趙北口

碧天殘暑淡星河爲避秋炎此夜過露草清香蟲語細水楊疎影馬蹄多三更蟹舍明簾火十里虹橋壓鏡波豈有公孫

能避世只畱風月滿渟沱

鄒縣謁孟廟晚宿孟博士第

霸王代謝百年間夫子風塵又轍環若使靈臺開晉國豈能  
秦石上鄒山遺書賴有邠卿較古廟惟餘博士閒今夜斷機  
堂外住主人鐙火照松關

試鴈蕩山茶

嫩晴時候焙茶天來試天台鴈蕩泉十里午風添暝渴一甌  
春色門清圓最宜蔬筍香厨後况是松篁細石邊玉茗遺編  
須記取我家多種此山田

湯顯祖云鴈蕩山  
種茶人多姓阮

雨後泛舟登滙波樓

急雨才過水上樓門前爭解木蘭舟垂楊小屋菰蒲岸不聽  
涼蟬已覺秋

湖裏荷花百頃田濕香如霧綠如天會須盡翦青蘆葉頓放  
花光上客船

補題宗室瑤華主人畫柳波雲舫圖送述庵少司寇

予告南還長卷

卷後幅系以詩云春風煙柳綠絲絲爲繫歸舟送別遲四十年來鴻雪蹟三千里外樹雲思鴈新樓

荀梅時雨晴窗實朋詩裏詩桃李成蹊身拾遺名臣名士兩無虧海天新鶴指前程吳會雲間結德盟髮白早因經百戰心閒久不動三彭能無禮儀傷離別有幾林泉荷寵榮點說葛山堪絕美此情那復憶尊羹

烟波是處許垂綸更有湖灣便采莼不爲名山傳世計也應  
月色促歸人

馬上弓刀絕塞寒凱歌聲裏路盤盤書生骨相非凡甚頭白  
歸來照鏡看

柳絲綰得綠雲涼一舸隨風入水鄉鄉路不愁三泖濶蓼花  
深處舊漁莊



松關兩載擁皋比我亦公餘問字宐莫使隄邊折楊柳教人  
雲水費相思

時司寇還南後來主敷文書院  
今復以病辭歸故寓挽留之意

伊秉綬

字組似號墨卿寧化人乾隆五十四年進士官惠州知  
府有留春草堂詩草

擬建安七子詩

有序

仲冬廿三日集賓谷農部寓齋時同志七人各賦七  
人故事分得擬建安七子考典論著七子之稱靈運  
有八人之擬然鄴中魏也義專公讌故遺北海增二  
曹茲如蕭選類以七名於地於時義無取焉遂迺綜  
其生平規其音響譬之巴歌里諺奉清夜娛衣冠互  
易筆墨一色未遑噴爾

孔文舉

泱泱東海波天地爲左顧巍巍岱宗尊亦曰培塿護國步雖  
播遷及此延洪祚高視展鷹揚勇氣雄虎步先公志東周焉  
得嗟遲暮憤切中州蝸用恥屈穀瓠無以都昌蹶有酒不我  
酤管仲彼何人九合功勲樹

陳孔璋

炎運邁陽九萬里風塵昏關西旣淪董河北乃擁袁奕奕輻  
輳士跂跂狐兔奔觚操狂瀾翻矢發七札穿豈不念忠厚各  
爲其所天獲宥幸寬政敢望肉骨恩朝游椒蘭室夕集芙蓉  
園華賞歡未已絃絲聽彌繁夙懷徑寸心竊比興與璠持觴  
酌吳鉤忠義我所敦

王仲宣

伊昔歌式微窳身適蠻荆幾幾沮漳雲薄暮愁殺人江漢盡  
日流猿猱終夜鳴登高望長安但見烽烟新勁風撥元霧頃  
刻瞻太清何期芳讌娛及此清漳濱犀筋有餘飮金罍無停  
傾絲聲感人情痛定還復驚

徐偉長

人生各有志窮達惟所適宛洛誠非喧箕濮豈云寂幽黙悟  
淵元往者如有覲媿乏濟世才著書掃一室

阮元瑜

黃雲起西北飄飄連河洲今夕知何夕復此河曲游白馬黃  
金羈彩雉紅錦裘公子鼓秦瑟下走揚齊謳日斜更秉燭月  
落明星稠莫辭盈樽酒可以消無憂南皮追昔歡已作清漳  
流

應德璉

征鴈從塞北流影湘江涓噉噉鳴聲哀羈客獨見之本懷稻  
粱謀而復恒苦飢雲羅雖云免羽毛日夜摧塞北還避寒寒  
盡還復歸借問歸何處將山許京飛託身在華沼顧影鸞鳳  
姿恭承君子意幸與嘉賓期暢以琴瑟好惠以瓊琚辭愛客  
誠古人何以副我知

劉公幹

薄帷鑒積雪有若明秋月攬衣起徘徊漏斷百蟲絕仰觀衆  
星列俯視層冰結一臥歲遂晚生理安可說沉吟縮寒衾憂  
思亂我心

同未谷夜訪笠帆小酌

晚涼同盼雨疎磬落蒼烟忽報月初上因知人未眠燈光深

竹裏露氣小山前洗盞留斟酌閒論種樹篇

送同年達梅岑檢討奉使西域

涼州西去萬重山鴻鵠高飛雉子斑  
珥筆詞臣秋出塞囊弓都護夜臨關  
風吹白草霜千里天接黃沙月一彎  
羌管未妨聽野戍班生三十好容顏

張錦芳

字槃夫號葑房順德人乾隆五十四年進士官編修

喜李藝園歸自河南

美玉不隱璞志士慙邱園壯遊萬人海  
鼓篋趨橋門鍾鏞與瑟笙涵養皆粹溫  
似聞別舍中諸生閉何蕃一朝單車出  
鵬鷺凌風騫平生國士知感激在梁園  
結束渡大河水氣何奔渾一從北岸決  
萬衆爲蛟龍漂流曹宋墟蕩汨豐沛原  
消渠

洗汶來坐受洪濤吞引河度地急萬落連千邨勢如車北馳  
玩之使南轅畚鍤不難具貴在無愁怨薪芻 內府出度支  
日以繁要令螟蠹除閭閻盡知 恩堂堂太原公中州寄屏  
藩君來下馬揖意氣排鯨鯢疏濬日有程可以資討論月黑  
大隄火風雷鬱飛翻晦冥壓圓穹震蕩裂厚坤往來輟險絕  
對案不及飧誰能借箸籌不惜筋力煩功多匪簿領黜黜初  
無言三年緩歸期世識儒術尊歸來拂衣袂尚帶埃壒痕九  
枝蟠胸臆指畫委與源我昔八牖行濁浪連朝昏一爲瓠子  
歌至今有驚魂喜聞濟時畧頓釋心煩冤君才在用急葉茂  
由深根他時鱣堂開官令吾道存襟期同野客醉倒歌義軒  
貫休咒鉢羅漢歌

香雲一縷垂盤陀坐具敷設平不頗火宅清涼道場現天然

真相開禪那手中鈴杵石上鉢口出神咒聲嘍波旬億衆  
在何許想見降伏心無他四大海水入毛孔何況一盃容江  
河凡夫眎此寸滌比豈知瀕洞陽侯波怳怱神龍內蟠屈鱗  
鬣未現先翻渦老熊千歲具佛性擁錫立似阿修羅鬚髮  
束合兩掌宛爾秘怪煩撝訶當空寶月正圓滿遍照大地窮  
逶迤悠悠花香無隱爾金粟吹落秋雲多當時寫此第幾軸  
渡海面壁殊白科訶林舊物龍象惜流轉俗手誰摩抄神光  
何自入齋壁應喜丈室陪維摩斷縑零落色黯淡神理未遽  
同消磨亦如香根終不壞入眼詎止雲烟過便思求結香火  
社俗緣未盡真蹉跎空齋得句試呈佛要憑法力驚詩魔

王廷蘭

原名史字晚香青浦人乾隆五十四年進士官浙川知

縣有水竹居詩

綠家浜曉發

碧宇耿疎星，衰楊漏殘月。蕭晨獨叩舷，光景紛奇絕。水波正遙裔，雲霞乍明滅。市寒鐙半明，橋斷石將沒。棹謳隨回風，餘音散林樾。沙邊人語遠，烟際漁舟失。川行方自今，洞沿無暫歇。何處協幽期，邈然寄寥泐。

支硎

疾風颺輕舟，蒼翠忽在眼。弭棹循廣途，層崖肆凌緬。是時當仲春，風物正暄暖。雜花旣繽紛，修樹亦婉孌。紺宇出林端，岡巒翫迴轉。峯巒互虧蔽，雲霞遞幽顯。辰良興故超，津逮思彌遠。邱壑平生心，器塵自茲遣。

送邵餐霞之桂陽兼呈西樵先生



江南三月鶯亂飛垂楊芳草凝春暉忽唱驪歌送行客欲別  
未別心依依夫君跌宕真足慕風格依然黃叔度常將浩氣  
干青雲獨以深心托毫素憶昨共張文戰軍羨君顧盼卓不  
羣龍鸞之音奮奇節世間俗學徒紛紛春風步履追陪久攬  
環結佩情彌厚習家池上舊同遊黃公壚畔時沽酒竭來欲  
向湘南去頻行示我銷魂句鄉心惻惻繞吳雲旅蹟遙遙瞻  
楚樹君留別詩有楚樹  
共雲酒一賦句我昔夢想岳陽樓洞庭波浪連天浮男兒墮  
地志四海安能鬱鬱終樊邱萬里征途從此始繫汰揚舲興  
何已莫雨颿檣雲夢林春風蘭茝瀟湘渚自憐泥滓久畱滯  
雌伏雄飛各異勢岐路空懸南浦愁窮鱗未遂天池計西樵  
夫子別歲餘前年寄我湘中書君去相逢一相訊蓮花幕下  
今如何

登北固山放歌

大江秋月澄波濤奔流一夜飛輕舫京口驛前卸帆席曠曠  
曉日明蘭皋蒜山霽景一登眺超岸古寺浮金鼇探奇選勝  
興未盡鐵甕城北來登高江山第一甘露寺

寺有天下第一江山額宋吳玠書

米蘇

千載風神超研山易庵事終古海嶽遺址留山椒長廊古殿  
極登頓風旛搖動鐘魚敲山僧導我陟巔頂孤亭俯瞰窮秋  
毫岷江萬里瀉一氣尾閭決滂連雲霄曲江濤頭甲天下疾  
雷百里窮昏朝蚪龍無聲老蛟舞鯨魚跋浪鼉鼉驕荆門郢  
樹在眼底矧乃咫尺浮金焦夙齡登覽興所托茲遊奇絕平  
生遭海天遼濶豁胸臆醢雞不識良可嘲結廬擬傍淨名側  
紫江光山色相招要登艫揮手不得住明朝練水鳴輕橈

題孫陞玉抱翠山莊

最愛吳淞水周遭十畝居鳥聲新霽後松影晚涼餘竹屋朝  
看畫繩牀夜讀書蕭然山澤裏隨意狎樵漁

細林山

辰峯一拳石紺宇愜幽尋偶造仙靈窟因諧山水心松風飄  
夕梵花霧淡春陰坐憶真人跡謂彭素雲蒼蒼修竹林

渡江

海天斜日麗金焦飽挂征帆趁暮潮北固樓臺秋色冷西津  
雲樹晚烟消無邊白浪連三楚一髮青山認六朝陳迹空懷  
天塹險沙汀荻葦自蕭蕭

洪亮吉

字稚存陽湖人乾隆五十五年殿試第二人及第官  
編修有卷施閣集

蒲褐山房詩話雅存少孤失怙爲母夫人守節教養而成是以刻意厲行確苦自持每當繼竹長筵輒徐引退而於取與尤嚴蓋古之獨者也性好奇山水如天都華嶽皆登其巔必絕幽隱陰而後已作文具體魏晉作詩五言古仿康樂次仿杜陵七言古仿太白自然膺心錢膺應不欲襲前人牙慧至於經史註疏說文地理靡不參稽鈎貫蓋非僅以詞章名世者

### 由車箱谷經十八盤諸險

一松扶升天一石絕入地信哉雲門塹

巨石上鑿雲門天塹四大字

奇險難久

閉坡陀半日上直下復里計飛騰挂枝猿曲折旋磨蟻非徒  
鐫鑿工迥出神鬼意坤靈信難戴天意恍立異排空刺日月  
巖巖試鋒利仙人萬間厦破碎忽被棄巖東不開闢拓以巨  
靈臂十折復八折草路入雲細回瞻足幾失直視神乃悸籃  
輿尚徐行仙路誠匪易

### 天梯升日月巖

峯危殊難飛路斷鐵索在高瞻誠堪驚欲往寧有待思隨天

風升值此雲氣縹千尋無寸曲百上不一逮足勢久已虛腕  
力忽欲怠先登倘一墮直下無地載誰云心胸奇驟覺志氣  
餒遵峯意猶掉履險志不悔乾坤分層梯日月絢壘采巉巖  
升甫半奚覺觀頓改腰平終南山目直大瀛海

日昃經蒼龍嶺

先登夫何難欲往恃所執瞻茲雲路駛揮此雨汗濕途危氣  
偏降退九進乃一崆嵒誰人開空處陡置級蹤疲欲暫駐石  
石倏起立山腰衝風來忽攫頭上笠中途一驚望呼出不得  
吸前行盡頓偃垂鐵苦繡澀危均騎虎勢過趁老龍蟄因堅  
向禽志差免阮生泣身輕旣出險始覺百憂集前望金鎖關  
倖從喜生入

入蓬壺洞行二里許以燭盡不得入

探奇愜幽尋百步得數洞巉巖束穴口已復拒徒衆淡暝持

一鐙幽光破苔縫遲回歎游侶賈勇得予仲

孫大暨及門霞足跡  
浦鄭聯華同入

踏伏流身輕擬飛蹻仙肩怯靈響鬼壁怵虛哄百步不一申  
稍寬復思縱頗欣露巖竇已復出盜竊去瓜始及泉同塗漸  
成術猙獰閃身入岌業壓頂重惜此燭炬消誰持蠟鐙送蝸  
涎入衣綻蝠噉補壁空堅此獨往心危辭阻羣從厓昏杳無  
覩地暖已消凍石乳嗅復馨壁書捫可頌靈蹤此疑聚深處  
列屋棟應有太古人莓苔閉幽夢

### 金天宮夜宿

雙闕兀立峯西東斜陽欲落已動鐘齋心正盥碧潭水香炷  
乍謁金天宮天衣颯爽垂坐上神斧廓落交庭中三重門閉  
鳥雀絕山果自落靈旗風宮中道士張巨儼自說七十顏如

童向求軒闕事偃仰遠指樓閣穿青空虛廊暝色下無際歸  
寢更借神燈紅闕窗四面且勿臥星若衾盜懸當中作書下  
寄訝流輩與鶴共宿南高峯

滎陽城

滎陽城高百尺因阜築城如鐵色漢王夜出城西門滎陽以  
東屬楚人惜哉一鹿抵死爭食肉不足思分羹當時若翁幸  
不烹乃火紀信燔周生嗟嗟兩烈士殉主亦殉名我行天下  
歷州七奇險莫若滎陽城君不見滎陽城值太平排百雉無  
一兵閭人午臥門掩扇百戰古城今下縣

董宣祠

東京六酷吏五輩政足觀王孫非其流類合附宦官名儒歐  
歎首尹京威聲始傳董少平乾坤初平天子武徑直寧知長

公主赫然盛怒乃可櫻九重幸識小吏名殿頭東西排赤棒  
百轉安能回令頂吁嗟乎臣賢主聖誠難得卻霽主威成令  
直君不見祠西半里府所治道旁百碑名去思叢碑雖高復  
誰記只向道旁思酷吏

函谷關

車行摧輪馬傷骨一綫路中盤入日今晨始及關北門月黑  
望關關欲崩新關高插天舊關深人地赤沙濛濛白日翳一  
日一夕車帷蔽樹根石脚露土窖穴土一尺經旬勞居人生  
世稀見日面黑映戶疑山魑君不見秦人虎狼據谷口百二  
遂爲虎狼有寧知天險不屬人六國敗後終無秦豈如蕩平  
天險失前車後車行接轍人生快意亦有時馬上詩成車入  
穴



潼關

出險復入險別山仍上山河流五夜色昏黑一片日紅先射  
關壯哉龍門濤至此始一折驚流無風舟尙失大魚如龍欲  
迎日風陵津北起黑波重舸徑向中流過河聲漸遠坡愈迴  
卻控馬首看全河君不見哥舒拒祿山魏武破孟起門開如  
雲列千騎喧聲動天箭灑地時平雲氣亦卷舒戢卒立門司  
啓閉關頭飯罷客亦閒早有太華開心顏

張問陶

字樂祖號船山遂寧人支端元孫乾隆五十五年進士

官檢討

上人橋道中

隴水將愁遠春流百道分雪明銑口樹風亂沓中雲麥壟平

無際漁榔靜不聞遙憐沙上鴈歲晚重離羣

黃沙驛

武侯所開又青城道士  
於此仙去故又名仙留

大道連三輔荒屯控百牢市廛如壁壘野水入城濠游戲仙蹤幻經營相業勞沙平征馬健天微雪風高

興平城樓

乘興危樓試一凭天風浩蕩劇飛騰人開野色耕秦時雁背斜陽下茂陵畿輔雲烟新郡縣閭閻規矩舊高曾故山西望愁無際隴樹蒼蒼已萬層

送述庵先生 予告南還

高軒過我氣如虹雪髮霜髯顧盼雄曾閱雲山遊戒外尚驚笳鼓夢軍中東南名士推前輩輦轂詞人拜下風莫訝江湖歸棹緩君恩留許待春融

離亭舉酒故交稀  
話舊還攜老布衣  
望 闕情懷原戀戀  
憐才心事最依依  
四筵名字停盃問  
二月風花拂面飛  
笑指春明門外路  
公卿頭白幾人歸

詠懷舊遊

蟻蝨生來亦帝臣  
陶山常恐是前身  
予生館閣中 曾從莊嶽通齊語  
昔擬乖匡是魯人  
風景至今猶可念  
模糊入夢苦難真  
幾時重作東平客  
馬頰河干訪舊隣  
山東

貧賤依人不敢狂  
差能脫畧少年場  
洞庭惡浪君山碧  
樊口輕車我馬黃  
如古布衣悲楚楚  
漢無真名手畫蕭  
湘淹留八載傷心處  
春宅遙遙對武昌  
楚中

驚沙撲面馬蹄遲  
風近黃流總倒吹  
鄴下墳穿才鬼賤  
洛中珠碎富兒奇  
樵居王屋無塵到  
人上樊樓易酒悲  
保曜全年

其妙喻孫登識火是吾師

中州

記曾孤艇送殘秋潞水盈盈繞郭流十里魚鹽新澤國二分  
烟月小揚州衣冠誰醒繁華夢江海遙通汗漫遊欲指三山  
揮手去只愁風力引飛舟

津門

皖口雲山壓短篷先臣廟食至今同

宋四賢祠後有祠祀先  
文端通政二公普謁拜

功名立

後田園盡恩怨銷時俎豆公兩世碑銘餘手澤一年伏臘聚

村翁殘衫破帽悲君笑廉吏兒孫不諱窮

安慶

莫訪秦淮半里橋江南能使客魂銷帆檣歷亂迷三楚金粉

零星送六朝篷底醉眠瓜步雨雲中夜看海門潮年來車馬

疲筋骨猶爲烟波想畫橈

江南

風流淘盡大江空終日匡廬在望中蹤蹟易隨彭蠡雁文章

難藉馬當風柳邊松菊功名澹水面琵琶際遇窮回首潯陽

餘悲影木蘭舟上月融融

江州

秦樓紫紵鳥路長三年三度客陳倉詩因虎豹驅除險身爲  
峯巒應接忙鴈響夜棲函谷雨柳枝秋老灞陵霜美人名士  
英雄墓一槩纍纍古道旁

秦中

桂馥

字未谷曲阜人乾隆五十五年進士今官雲南永平知  
縣

跋漢燉煌太守碑

古來邊患無時無羈縻守禦徒區區中國有土不能守乃與  
荒服爭鎬鉢漢家末初罷都護專制西域北匈奴王門陽關  
日夜閉索堆兒戲屯伊吾張瑞三策善攻守陳忠一疏豈腐  
迂長史以下廷尉獄呼衍但願加特奴兵臨車師重圍急帝

視六國猶販圖傳檄四郡救後部燉煌太守馳兵符勒山一  
戰漢軍走呼衍聲振伊吾盧永和睦元岑來至誰其版者吾  
當誅克敵羣兵三千耳紀功大書而特書吾聞兵機貴神速  
君命不受言非誣朝廷日掣將帥肘兩人牽羊躡路衢用當  
其才一已足司馬都尉空奔趨任尙段禧不曉事邊隙一開  
十年餘中原疲敝白骨朽縱收其地屋一隅安得岑也守嚴  
微瘡痍休息長無虞

歸里三載瓠落無成異我詞丈獨尋舊好今將遠別  
情見乎詞

閑來相對說荒唐翦燭垂簾醉不妨羣季趨庭爭看客樓頭  
聞喚取茶囊

王城東所厚唯楊大年至則取茶囊具茶他  
客與子弟但聞取茶囊即知大年至矣

一病憐君歎索居坐穿木榻六年餘從今老眼橫秋水且把

神農夾注書

酉陽水  
出泉鏡

題陸璞堂先生適園灌畦圖

文定園林綠水濱百年猶見菜畦春  
昇輿自有門生在且作忘機抱甕人

偶從野老說風流七業俱從畫卷收  
畦間來牕下課屋東頭與屋西頭

李廣芸

字書田嘉定人乾隆五十五年進士今官乍浦同知

金昌寓齋述庵中丞枉顧謹賦四律

星宿羅胸氣吐虹騷壇早歲冠羣雄  
蜚聲茂苑才无敵奏賦甘泉句最工  
鳳沼演綸天語重烏臺秉憲國恩隆  
他

時定叶金甌卜玉鼎梅羹贊聖功

太乙靈旗靖寇氛，蠶叢絕徼舊從軍。  
運籌密贊中樞策，磨盾飛馳露布文。  
日月旂常書駿烈，雲雷鐘鼎紀鴻勛。  
笑他定遠封侯相，投筆何曾事典墳。

讀禮歸來夜著書，烟波谷水暫閒居。  
鄴侯架上瑤函滿，曹氏倉中金薤儲。  
細究遺經宗漢說，廣搜逸事注唐餘。  
輪扶大匠文章伯，門外時停問字車。

末學蒞蒹攤鼻吟，抱經探索漢儒林。  
紅蠅粉網相如壁，黃葉痕瓢子憲衿。  
幸得光暉瞻北斗，可能聲價長南金。  
感公趨士多高誼，願奉巴歌待賞音。

題述庵先生三泖漁莊圖

木蘭橈子撥魚鱗，隱趁樵風到澱瀕。  
已識襟期同月朗，更從圖畫見天真。  
逸情自寄烟霞外，勝地常留水木新。  
南北垞深



曾繞夢東西泖近詎迷津把茅怡縛三間屋汎宅還攜七尺  
綸非市非城當僻地有書有酒伴吟身此間頗樂堪遺世且  
住爲佳試結鄰香餌沈浮都不問銀鉤曲直總元因訂交不  
乏卹夫子扣戶應來農丈人笠雨簑煙供散傲菱紅滿白采  
昏晨補籬笆缺絲絲柳插緯蕭連點點蘋湖落鳴頭青不斷  
雨餘螺髻翠無垠千花塔影登樓見九耳銅聲到枕頻遠火  
星星明午夜清謦隱隱起蕭辰五湖豈必思鰕菜千里還教  
淪雉苑巷憶烏衣嫌尙俗居同鹿柴弗沽塵聊如甫里攜茶  
竈那向湘陰借釣輪笠澤叢書應繼作苕谿漁隱定相親清  
風明月真無價老鶴閒蟠亦覺馴只恐鑑湖難便乞濟川舟  
楫重絲綰

張若采

字谷漪號子白婁縣人乾隆五十五年進士今官鎮番知縣有梅屋詩鈔

如意菴曉起

月落城西隅鄰鷄叫屋角蟲吟徹曙闌客夢先秋覺曉風竹徑行空翠眉間撲已有趁墟人遙山行犖确

黃龍隘

朝發永康城午達黃龍隘山程五十里應接頗不暇峯迴學螺旋礧峭畫緩界雲日互蔽虧榛莽發荒怪時有風泉墮溼翠襲衣衿薜衣滑行履登頓互相戒藍輿蝨其間點破春山畫

黃龍不可攀白雲猶可贈益益山中春繁花垂古磴重關昔據險龍戰幾決勝

明初耿再成敗元總管石抹空孫于此

可憐笳鼓音曾辱山靈聽

今看石戶農布穀啼春醒閒閒雞犬家鬱鬱松篁徑何限看  
山人愛此靈區孕

福成巷訪王伴梅

一徑堆黃葉蕭蕭客閉關佛燈沉話雨僧磐答秋山名蹟哀  
蛾吊壁間多家幻花先生及二泉上人詩畫心情老鶴閒卜鄰吾有願待結屋三間

洪坤爐

字載厚臨海人乾隆五十七年舉人早卒有地齋詩草

王南陔困學說文圖

昔聞昌黎言讀書貴識字頗嫌楊子奇肯趁藏之媚六書掌  
保氏建受各殊類形聲屬相益子母巧乳孳中間錯亂更錯  
緒伶徒吏引斷法律紛掇拾詩書棄卓犖祭酒君虎觀首諮  
議遺文搜篆刻破體別真偽譬彼日月懸手攬羲娥轡陋儒

趨簡捷此語魏晉記法創鍾氏八聲困隱侯四龍蛇競飛舞  
意象轉凌次空迷叔麥分強校蛙蛤與殷勤戴魏徒躋駁抵  
一戲知君老蠹滯寢饋幾何醉野王篇已訛徐錯傳猶繫是  
惟文字本豈直小學識何人擅畫手省釋天和意圖編倚春  
風竹木鬱蒼翠想當研究餘萬象森構備髣髴浚儀翁家學  
此未墜菁華洩元苞疏鑿發深窵金石生刻畫莚苑騰鼓吹  
我今纔識丁墨汁飲猶媿他年載酒訪膏馥乞漑漬

食菜作

我行來京師不了藜藿債夙聞白菜佳飽食凌葱薤離離露  
下苗濯濯莧陸夫寒威日欺壓霜雪不可殺初爲龍頭縮稍  
褪鷺黃曬水肌傲姑射玉骨挺衛玠椒鹽沸初下齋飯學禪  
派濃甘愜軟美清氣散沆漚勢伴玉版翁坐割燕吳界丰標

兩不讓夷惠各和介生菰味尤絕香色漬不壞劇如茂陵渴  
大嚼哀梨快平生食肉腸羔乳祇腐敗天教洗葷濁底事數  
羹芥幸無團泥貴正值連車賣犴嗟萬錢下寧止一嚙嚼江  
瑤吾鄉物舉念不須掛他日學圃歸臥看素壁畫

余家有畫白  
菜一幅頗妙

白牛居士跨犢歌

一村莎草平燕色江南十里春如織青楓溼畔夕陽時跨上  
烏犢人不識水田漠漠烟濛濛輕簑短笠嬉涼風東郊雨晴  
泥路滑四蹄踏破花蹊紅萬言獻罷歸來早熙寧新法太草  
草遠傳風教憶河汾桑麻自古溪流好南山白石清水寒何  
人長夜歌漫漫黃昏飯牛飼犢下明日橫經角上看

射虎石

將軍射虎如射石氣涌神飛鳴霹靂將軍射石如射虎貫胸

洞脇骨飲羽是虎是石兩不知驚電陡掣流星馳層崖疊巘  
夜崩裂山鬼拳縮潛獻嘯射鵬壯兒龍欲死數奇歸報動天  
子高牙大纛竟何人蔡也爲人下中耳陰山刁斗靜不聞虎  
頭食肉徒紛紛酒酣卻遇霸陵尉夜行呵止故將軍

華陽臺

風蕭蕭易水寒壯士怒髮衝上冠白衣涕泣何沆瀾將軍頭  
血濡未乾入關上殿刺天子鈞陳森衛肅星紀舞陽健兒額  
汗泚督亢圖窮七首起手搏祖龍若豪豕藥囊倒擲天所使  
怒酣嘻笑庭柱倚目背上裂驚電紫白虹貫日壯士死博浪  
之椎母乃似長安大索幸免耳我登華陽臺重憶馬角時惜  
哉魯勾踐欲講劍術將奚爲男兒成敗要莫論擊筑還悲高  
漸離

鼎兮城

徐福將樓船海上求仙山荒唐縱欺誕一去不復還仙山茫  
茫海水立鯨魚潑浪長風急天陰雨濕鳴鳴泣牽衣頓足何  
嗟及歲深長大遂成家雲樹迷離隔鄉邑我聞生男惡此語  
悲已然人生骨肉豈長保武陵何必非神仙縱勿雞犬共拔  
宅海外粗足桑麻田君不見長城征戍更南粵驪山深隧閉  
幽卒送徒夜半大澤發咸陽一火連三月四海何人收白骨

李陵臺

隴西降將家聲絕荒臺愁臥陰山雪河梁落日暮何之地慘  
天昏不成別依依越鳥悲南風漢家城闕斜陽中生還自羨  
典屬國論救誰憐太史公

送黃潤川補官江右

先生矯矯人中師下筆疾掃風雨馳南宮作賦久無敵爲政  
風流今在茲我昨訪君古寺裏兀坐一卷鬚眉垂人皆竊指  
向我笑如此作吏寧非癡我謂使君故不癡詩書之腹中怡  
怡往年入蜀攜琴鶴三載牧民如牧兒吏民不知官長貴禾  
黍自覺春風慈西江江水清且瀾百花洲畔滄浪池善政豈  
煩易俗理坐嘯況是吾儒空嗚呼龔黃古有作君看武健勝  
者誰他時報最鷹首選請煩示我清風碑

余 煜

字月文號板桐錢塘人乾隆五十七年舉人

懷陳雨田

昔別在南郊悲感一何深徘徊溪路側撫景愴我心亦知當  
久離不意忽至今至今遂所懷索居已三春別易會面難未



知更何辰修竹多悲風幽澗多浮雲人生能幾時奈何輒離羣願得十日飲叙此平生親

詹肇堂

字石琴儀徵人乾隆五十七年舉人

康山

山擁滄江出闌圍雉堞平千秋存俠氣一簣得詩名宮錦丁年賜檀槽子夜聲未知何李輩誰此其齊盟

送退庵之粵西

三年東閣聯牀數兩月春明下第同豪氣難消摧折後傷心已慣別離中枕椰葉暗吟官廨遙沙聲低唱楚童此去蠻鄉五千里更無書附北來鴻

吳水

字秀文太倉人乾隆五十七年舉人有篁韻軒詩草

過閘

漕河水急流險處亘堤堰洪濤一東縛激石蒼波濺大木中  
斷折奔騰搖石扇數里聞雷聲倒瀉黃河噴上閘百倍難巨  
絙施輪轉白浪高蓬竿併死爭一線千夫聲喊呀繚進不盈  
寸攫掣偶失手一落如奔電下閘驚陸洲舟子心膽顛船頭  
入水底船尾離水面歟從水底迴躍出如急箭或恐觸旋渦  
勢與龍鼉戰我來觀此情足縮銀海眩嗟哉轉粟勞性命反  
輕賤寄語畿輔人慎勿廢耕佃

維揚道中

一棹橫江去山光四望收夕陽瓜步樹細雨廣陵舟柳色依  
官渡濤聲逼郡樓鄉關何處是回首暮雲愁

建平道中

策馬荒郊路寒風向古原亂山銜落日高樹抱孤邨地僻宵  
無犬人間晝閉門今年田事稔處處饗雞豚

泊舟廣陵

一路垂楊學舞腰飛花點點落紅橋不知今夜揚州月曾照  
何人按玉簫

英和

字樹渠索綽絡氏滿洲正白旗人德保子乾隆五十八  
年進士今官戶部侍郎

神木行 並序

東便門外黃木廠有巨木長六十尺相傳永樂建北  
京時自南方輦致因不中規矩故棄置於此癸亥戊

寅兩邀

御製詩章近又置祠歲祭余偶道經上

人指以告曰此黃木也因作神木行

城東神木堅如石辨之非松亦非柏風霜已歷四百年砂礫  
猶橫六十尺傳自明初建北京千夫舉致供選擇工師繩墨  
不可施一朝棄置村荒僻亭亭芝蓋省東方俯覽神木考  
其詳 睿藻兩頒碑並勒遣官致祭牲醑香 聖主推恩  
及枯朽此木頓覺生榮光將軍大樹根何在曲轅社櫟枝空  
揚一木有靈尙如此何況人材勝杞梓深谷栽培世未知芻  
求勝任工方使離朱審曲班雕文慘淡經營盡乎技斲成櫟  
棟獻 天家堂哉皇哉共仰視

與百菊溪侍御夜語

把酒深杯冷圍爐笑語并不聞羣籟響相對一燈明往事增

惆悵新詩費品評談餘涼月入心與鏡俱清

夏夜閑坐

萬籟寂無聲俄聞斷續鳴微風穿竹徑淡月掛松棚一枕夢  
初破中宵心最清苦吟子亦好與爾結詩盟

種松書屋圖爲初頤園給諫題

偶著尋山屐閒鈔種樹書烟霞招勝友霜雪倚蓬廬共識喬  
柯古誰云節日疎故園三徑裏手植廿年餘  
好向圖前想何須澗底看種成千丈勢耐得十分寒地僻林  
泉勝人過歲月闌孤松思共撫開卷日盤桓

爲王伴梅秀才題乘風破浪圖

一片風帆影篷牕面而開水隨天其遠春與客俱來落筆無  
涯淚披圖每溯洄壯游誰得似挾策上金臺

伊春臺齋壁畫梅索題

貌得南枝又北枝橫斜滿壁影參差空山月冷無人問半夜  
香清有夢知衡品不輸松竹逸盟心還與雪霜期退朝花底  
春光好想見巡檐索笑時

葉紹桂

字琴柯歸安人乾隆五十八年進士今官監察御史

出古北口

畫角冷遶霜霜濃野草黃人家淡秋色客路下殘陽寺古松  
鱗老山晴石髮香停驂成小憇禪院得清涼

贈袁香亭太守卽送其之南粵

青塵初接意猶驚不道相逢未識名秋水鱸香疑昔夢春泥  
鴻爪感離情朱輪宦迹殊消長紅豆詩篇羨老成鄭重西牕

重握手燕臺風雨又清明

入官莫嘆鬢眉蒼老圃爭傳晚節香始信文章關利濟莫因  
山水悔行藏江鄉不種千頭橘海甸曾留滿路棠贈我瑤編  
應及早碧天南鴈已成行

案香亭詩集

喜昭王秋塍明府賦贈

詩章夙已羨瓊瑤兩世交情更久要薄宦生涯疎酒盞離人  
情緒又花朝年華似水匆匆逝豪氣如雲漸漸消莫便臨風  
促征騎萬條新柳拂河橋

客暨陽三句得沁園春詞一卷錄寄許竹嶼大令綴  
以二絕句

枇杷庭院長莓苔小閣輕陰燕子來吟遍江南花落處斷腸  
人是賀方回

新愁多付沁園春儘說粗豪亦愴神不敢尊前歌子夜知君  
司是未歸人

唐仲冕

字

號陶山善化人乾隆五十八年進士今官海州

知州

客院小筍甚繁率賦

性雅好此君每樂共晨夕故鄉多貧營邵苦事塵陌或如叔  
孫館手植傍所宅或逢辟疆園徑造恣快適嶽祠得小簾幾  
箇倚古栢解榻疎井橫擁鉏灌莽關相對幾何時落芽迸牆  
隙恰經微雨滋已分新穉碧三五漸成行長短可計尺側盆  
佐酒濡鼎垣倍護惜憶我泰山阿移栽趁露烏半隨叢薄翳  
辜負平安驛解后接檀欒攢生慰幽僻好待長且成招雲入



苔席得此堪低徊知君不倦客

桃溪勘山舟中得詩

傍溪溪欲盡樵徑入雲深薄霧巖腰斷淺流石齒侵村春當  
旭日葉颭滿寒林不許馬蹄疾驚飛宿樹禽  
便返桃溪渡仍迴楓澗船荻聲喧落日鴉影破寒烟地憶銅  
官渚人懷玉局仙漁燈泚泚濶知有雪簑眠

游徂來山

嶂疊峰仍斷溪泉出谷幽亂雲投小徑積翠引吟眸過澗輕  
塵隔憑欄薄霧收丹黃紛滿樹不道是深秋

小酌聞竹間雨聲

孤檠對客索小飲度清宵忽訝竹聲急方知雨意饒銜杯聽  
新瀝欹枕覺聊蕭明日春膏發循階覓筍苗

菊花

別有清芬耐晚寒不妨疎落與君看  
一邱一壑人攜酒秋雨秋風客倚欄  
琴罷惟聞香淡淡竹披斜裏露團團  
飽經霜後英初落猶護荒籬賞未闌

卷畫溪晚升

綠樹清溪畫幾層夕陽歸棹一波澄  
村中擊鼓秋祈穀澗外傳歌夜采菱  
叢竹深深藏雁齒流螢點點亂漁燈  
欲尋坡老田安在牒訴裝懷惜未能

卽事舟中絕句

短檣出烟汀寂歷無人語  
鴻雁叫孤雲蓼花紅半渚

題松陵圖

翦取吳淞水栽成楚澤圖  
故園昨入夢好挂一帆蒲

章嵩生

字松樵德清人乾隆五十九年舉人

宿遷端午和人原韻

淹留不計日客緒轉紛然去鳥斜陽外停舟綠樹邊風涼燒  
燭夜雨急熱梅天何物酬佳節萱蒲似往年

夜雨

小霽無三日簷聲入夜沉衾寒難索夢蛩濕不成吟疎柝連  
鐘斷新苔抱砌深芭蕉三兩葉葉葉故關心

孫爾準

字平叔金匱人乾隆六十年舉人

晚晴登環翠亭

日腳酒晚晴庭樹孤影直草濕空筇屨危亭快登陟浹句人

到稀檐前蛛網織久苦跼繩牀登臨散結轡周遭瞰城郭縱  
目天際極前山濕黛濃冷翠未可拭雲寒落遠汀蒼然起秋  
色臨風增莫寒顧影帽欲側暝色催人歸草徑蟲唧唧

十一月廿六日見雪喜賦

殘夢逼朝寒披衣犯清曉不知雪已深重門閉猶悄戶外竹  
無聲垂綠見折篠冰條綴枯枝鑑影映曲沼對此神魂清凜  
然俗氛少登樓拓寒牕皓如月出嶽遠近辨微茫頗覺眸子  
瞭千里雲色同長天絕飛鳥粟起玉樓寒擁爐召朋好共和  
尖叉詩湘醪泛深縹

爲顧卞聲題龍隱山圖

遠山曉霽雲模糊望中黛色半有無是何下筆風雨快浮雲  
掃盡青峰孤榻來幾載到嶺嶠閉關應被山靈笑瞥見高堂

五尺圖點染青蒼得真貌孤舟一葉泊遠汀簑笠影裏風冷  
冷漁竿擲處發清嘯雨絲灑面宿酒醒空堂臥對忘晝永翠  
色蒼然撲衣冷可能借作三日游一洗從前俗塵疑去聲

早春聞鴈

客散忽踈雨空齋聞雁聲蕭蕭孤影過瑟瑟莫寒生怨別情  
方切懷人歲已更相思江水上煩爾再南征

月夜登北樓有懷

其此青天月高樓思不堪故人渺天末春色老湘南鴻雁九  
霄斷山河一氣涵不知留賞久更鼓聽過三

北樓

招客憑闌暮靄收鰓鬚八尺卷雙鉤斜陽樹影千家晚過雨  
蠅聲五月秋涼氣已疎陶侃柳濤聲直到庾公樓更聞前渚

紅蓮褪好上瓜皮一葉丹

顧張思

字懷祖太倉人諸生有越游小草

補山房詩話顧行人陳以博學能文爲同鄉諸老所服懷祖纂成家業涉獵羣書所著有七經訓詁異同土風錄識字畧陳檢討四六補註諸書頌成依人往來楚粵故其詩音多蕭屑

夜宿斑竹嶺

草行不厭疲廿里一小住晨爲冒雨遊歸途忽已暮陰濃竹木深知是舊宿處欣然含興入曠焉發心悟桑下戒三宿揭來空兩度登高日夕佳好景慚莫賦惟聞水潺湲終夜風濤怒

萃園主人招飲松山下

性頗愛林泉邂逅如風好商飈送殘炎白雲動遠抱忽聞季

膺招褰裳涉修道園花引遊屐石臺飲遐眺青山與白紵一

一可辨了松風時一來塵懷淨如掃况逢二稽秀

主人二子學生兒相似故以張

伯稽兄清芬出羣表殷勤酌百花

酒名

秋風翦萼菲那惜醉如泥

相逢恨不蚤月影滿松顛歸途踏霜草

已酉元旦和石君先生

鹿鹿風塵道春禽乍惜閒殘年如小劫少住即深山與共新

梅發愁同舊草刪獨憐北堂上寂寞減懽顏

王文潞

字介人太倉人諸生有義亭詩鈔

清楊山房詩話介人明兵部尚書在晉之後陞聽穎風度閣雅子主度東書院授以詩法作五七言古詩頗得門運詞以發張為宗年二十餘得急疾而卒友朋無不感

題友人雲山紀遊圖

人說遠行苦誰解遠行樂君遊建萬里意氣尙磊落甲乙誌  
所經瑤編富囊橐示我一幅圖結構在雲壑林深徑欲迷山  
遠泉空落萬籟此俱寂紅塵淨寥廓倘遇青邱子爲君歌憶  
昨

畫山水歌贈陳孝廉

詩庭和陸孝廉學欽

陳畫生風格超逸才崢嶸竭來婁江地意氣高同盟平生好  
詩復好畫擅袖落筆風雲生昔嘗爲余作小幀就中巖壑紛  
嶒崢涼陰脩脩潤琴硯落翠冉冉霏柴荆恍惚別有小天地  
坐移勝境來書櫺我婁烟翁及湘碧得其萃者惟茂京近來  
畫法半榛莽如君妙手得未曾江山千里腕底赴圖書萬卷  
腸中撐淋漓元氣拘奇特人巧直與天工爭河南季子雅好  
事手持一卷光刻藤作詩題贈播佳話聞者四座皆心傾畫



中有詩詩有畫觀詩讀畫神飛騰繼聲之詠我何讓歌成山月松梢明

送春詞

花如殘夢柳如烟回首光陰一惘然擬向東風買春色枝頭榆莢已無錢

何錦

字尚之吳縣人有篋中草

聽鐵師鼓琴

抱琴來幾年孤寺夕陽邊永日唯高坐閑心托古弦未秋先落葉無淵忽鳴泉彈罷靜相對庭松起暮烟

青蓮庵看梅

到此心如水梅花尚未殘幽禽先客在蒼蘚隔窓寒經雪數

枝亞向陽一徑看誰云銅井外無地駐吟鞍

湖海詩傳卷四十

湖海詩傳卷四十